



WWW.SOLODIPUEBLO.COM



SOLODIPUEBLO@GMAIL.COM

**RIBA DIA INTERNACIONAL DI HENDE
MUHE LAGA NOS RECONFIRMA
NOS COMPROMISO PA BALORA Y
CELEBRA NOS LOGRONAN**



**TURISTA SERIAMENTE HERIDA
CU OFF-ROAD ELECTRIC QUAD
BIKE BANDA DI GOLDMINE**



**LOTTO TA INTRODUCI
UN MIEMBRO NOBO DI
INSTACASH "SHOOTING STAR"!**



**PARTIDO MEP TA PRESENTA
SU LOGRONAN Y VISION DEN
ENCUENTRO DI 'BAN TOPA'**



**HEALTHY LIFESTYLE
CENTER A YEGA PA E
COMUNIDAD PARIBA**



Parlamentario Shailiny Tromp-Lee:

RIBA DIA INTERNACIONAL DI HENDE MUHE LAGA NOS RECONFIRMA NOS COMPROMISO PA BALORA Y CELEBRA NOS LOGRONAN

Dia 8 di maart, ta un dia importante pa nos recorda y celebra e lucha cu a tuma lugar, pa nos ta awe unda nos ta como hende muhe. Ta hopi lucha a tuma lugar riba diferente nivel. Hende muhe mester a lucha den e constelacion familiar, den relacion matrimonial, na pia di trabou y den comunidad en general.

Nos no por perde di bista cu nos posicion no tabata semper similar cu awendia. Nos no mag di lubida cu tabata existi tempo den historia caminda e hende muhe no tabata mag di vota, no tabata mag di

studia y no tabata haya e pago igual eherciendo e mesun trabou cu un hende homber.

Riba e fecha 8 di maart, nos como hende muhe mester keda reconfirma nos compromiso pa balora, sostene y celebra logronan di otro y tambe pa para 'schouder cu schouder' cu otro na momento cu un ta luchando cu algo. Percura pa cada luz di e hende muhe por briya y keda briya. Na Aruba nos mester ta contento di por wak mas y mas muhe ta eherce funcionnan importante den nos pais, cu antes

mayoria tabata wordo eherci pa hende homber. Nos tin un Prome Minister femenino, den Parlamento nos ta yegando cerca di un constelacion di 50%-50% entre hende muhe y hende homber, directornan den sector publico ta wordo eherci pa hende muhe, hopi CEO's den sector priva ta hende muhe y asina por sigui menciona. Na mes momento nos mester realisa cu no na tur parti di mundo e hende muhenan ta den mesun situacion cu nos aki na Aruba. Nos no ta unda nos mester ta y mundialmente ainda tin hopi trabou pa haci.

Riba e dia aki Gobierno tin un actividad parti mainta cu ta bay ta full house. Un danki na tur cu a registra y cu lo haci e mainta aki exitoso. Como partido, MEP tambe tin un actividad dia 8 di maart na nos CEDE na Santa Cruz di 8'or pa 10'or di anochi pa nos duna atencion na e dia importante aki. Informacion pa registracion por haya riba nos pagina di Facebook. Tur dos actividad ta premira di ta bay ta un exito total.

Ban hunto para



pa un mundo sin prehuicio, stereotipo y discriminacion. Un mundo caminda e hende muhe ta celebra logro di otro y balora aporte y lucha di otro. Na pueblo completo: Feliz Dia di Hende Muhe!

Minister Dangui Oduber

HEALTHY LIFESTYLE CENTER A YEGA PA E COMUNIDAD PARIBA



Diahuebs mainta Minister Dangui Oduber a bishita MFA Savaneta hunto cu miembronan di Healthy Lifestyle Center pa wak e espacionan di e oficina cu tin disponibel.

Esaki ta pa e uso di HLC brinda su servicionan na e comunidad pariba di brug y asina aumenta e accesibilidad.

Healthy Lifestyle Center a inicia oficialmente dia 23 di februari 2023. E meta principal di HLC ta pa brinda e pueblo di Aruba e guia profesional pa cu nan nutricion y movecion, especialmente esnan na riesgo pa haya complicacion di salud, door di hiba un bida no saludabel. E meta ta pa guia e participante pa adapta su bida pa uno mas saludabel.

Den un aña HLC a logra di tin 300 cliente cu nan ayuda y guia pa hiba un bida mas saludabel. Pa e aña aki e meta ta pa yega 600 cliente.

Minister Dangui Oduberta contento di anuncia cu e comunidad pariba di brug tambe lo haya su mesun

centro. Pronto lo anuncia ki dia e oficina lo habri su portanan y tambe e orarionan.

Keda pendiente. Hunto nos lo bai logra tin un comunidad mas saludabel.



Ministro di Husticia y Asunto Social ta anuncia cu entrante **09 maart 2024** segun Ley di Molester, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un **instalacion di gas di 150 galon na Seroe Blanco 14**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia y Asunto Social mediante director di Departamento di Legislacion y Asunto Huridico, Schotlandstraat 53.

Partido MEP:

Den un sala di Club Don Bosco na Noord completamente yen, **PARTIDO MEP TA PRESENTA SU LOGRONAN Y VISION DEN ENCUENTRO DI 'BAN TOPA'**



Diaranson 6 di maart, a marca un otro encuentro exitoso y importante di 'BAN TOPA'. E sala di Club Don Bosco na Noord tawata yen un biaha mas unda cu Lider di Partido MEP y candidatonan di nos partido a duna discurso y splicacionnan relevante riba temanan actual y e vision comun di Partido Movimiento Electoral di Pueblo y a reafirma nan compromiso y dedicacion profundo pa sigui sirbi nos pais y crea un futuro prospero pa cada Arubano.

'BAN TOPA' ta un plataforma pa dialogo informativo y interactivo di Partido MEP unda cu candidatonan ta duna informacion actual, preguntanan ta haya contesta, y preocupacionnan ta wordo scucha. 'BAN TOPA' ta mas cu un reunion; e ta un oportunidad pa conecta, siña, y hunto bin cu ideanan pa un miho futuro di nos pais.

Durante e encuentro di 'BAN TOPA' diaranson anochi, e publico presente a haci preguntanan bastante skerpi y al caso.

Como ciudadanonan preocupa y interesa den progreso di nos pais, nan a duna conseho y sugerencianan hopi interesante pa Gobierno y MEP. Concehonan y sugerencianan cu sigur lo haya oido di Gobierno pero sigur tambe di partido MEP.

Eanochiaki, Parlamentario Marco Berlis a duna un presentacion di su trabou den Parlamento como sirbidor di nos pueblo enfatizando cu Parlamento di Aruba ta conecta cu necesidadnan di nos pueblo y ta trahando na e bienestar di cada ciudadano.

Minister di Enseñansa y Deporte Endy Croes a presenta logronan desde cu el a asumi e responsabilidad aki na 2021 enfatizando cu ta e deseo, disciplina, dedicacion y determinacion ta e motor tras di cada logro. Endy a presenta tambe e vision di su ministerio pa proyectonan grandi na caminda pa Enseñansa y Deporte.

Lider di MEP, Prome

Minister Evelyn Wever-Croes, despues di su biahe di trabou, a regresa Aruba cu mas energia y determinacion pa sigui traha na bienestar di nos tur. Apesar di a caba di yega bek Aruba, Lider di MEP a cera e anochi dunando un resumen cortico di su viahe pa Hulanda y su participacion na e reunionnan di OCTA na Belgica. Tambe el a splica loke ta nifica pa Aruba su posicion como Presidente di OCTA pa e siguiente temporada nos dilanti. Tambe el a duna un presentacion yama 'Snapshot' pa demostra unda Aruba ta logrando y e vision di Gobierno di Aruba.

Despues di e reunion 'BAN TOPA', Candidatonan presente a atende personanan individualmente pa scucha mas di loke ta biba den nos comunidad.

'Lider di MEP Evelyn Wever-Croes ta invita pueblo di Aruba di awo caba, na e siguiente 'BAN TOPA' den un bario playa na . Laga nos sigui bini hunto, pa scucha di otro, pa siña di otro, y pa reafirma nos compromiso cu nos pueblo. Pasobra union ta nos forza pa un Aruba mas fuerte y resiliente. Keda pendiente pa mas informacion di e encuentro aki. Nos compromiso ta continua.



GEOFFREY WEVER A DIALOGA CU 6E KLASERS DI COLEGIO BON BINI TOCANTE SUSTAINABLE DEVELOPMENT GOALS



Minister di Asuntonan Economico, Comunicacion y Desaroyo Sostenibel, Geoffrey Wever, tabata di bishita na Colegio Bon Bini na Madiki, pa duna un presentacion tocante e Metanan di Desaroyo Sostenibel ("Sustainable

Development Goals SDG's"). E SDG's ta enfoca riba con mundialmente por caba cu pobreza y hamber, elimina desigualdad, proteha nos planeta, y segura cu tur hende por disfruta di bon salud y cuido medico, husticia, y

prosperidad comparti. Ta crucial cu ningun persona ta ser laga atras.

Pakico e ta importante pa educa nos hobennan tocante SDG's? E metanan di desaroyo sostenibel ta un esfuerzo conhunto di tur persona y entidad den comunidad. "Nos muchanan tin un rol importante den transforma nos mundo - y isla - di mañan", segun e mandatario caminda a ilustra riba diferente ehempel con cada un di nos, incluyendo hobennan, por haci un diferencia.



"Hobennan tin e oportunidad pa haci un diferencia pa nan mes, nan famia y pa nan comunidad, p'esei ta importante pa educanan riba puntonan di desaroyo sostenibel. E interaccion cu e hobennan

ta demostra cu nos nan ta hopi al caso di kico ta pasando na mundo, y ta representa un speransa pa mehoracion y mas inclusion den desaroyo di nos isla", minister Wever ta termina.

TURISTA SERIAMENTE HERIDA CU OFF-ROAD ELECTRIC QUAD BIKE BANDA DI GOLDMINE



Diahuebs merdia a drenta informe di un accidente basta serio cu turista benta memey caminda banda di Gold Mine, mesora a dirigi tanto polis como ambulans cu urgencia na e sitio. Na yegada di e patruya a bin

compronde cu e turista su so a bolter cu un di e Off-Road Electric Quad Bike y a keda mal herida memey di caminda na yegada di e ambulans nan a atende e victima y a transporte cu sumo urgencia pa hospital.



Minister Dangui Oduber

DIGITALISANDO SECTOR DI CUIDO

- Algun luna pasa Minister Dangui Oduber a anuncia cu lo bai digitalisa sector di cuido haciendo uso di e plataforma Aruba Health App. Awe ministerio di salud hunto cu AZV a haya presentacion di profesionalnan di Setar NV ariba e avancen di e proyecto.

Pronto e asegurado lo sinti cambionan positivo ariba su Health App personal cu lo beneficia e asegurado. E team di SETAR ta trahando ariba un systema concreto di cita cu e asegurado su dokter di cas. E asegurado lo por via su app, tin e opcion di contesta algun pregunta y asina dependiendo di e urgencia lo ricibi un contesta con pa sigui padilanti y si ta necesario lo ricibi opcion pa reserva

su cita na e dia y e horario disponibel.

Adicional SETAR ta inventarisando con por medio di digitalisacion nan por yuda otro instancinan den sector di cuidu manera specialistanan y Sticthing Bob.

Conforme Minister Dangui Oduber su vision y conhuntamente cu Setar y AZV ta trahando pa logra introduci e beneficio aki pa aseguradonan, paso e pashent ta central. Funcion cu ta trahanando ariba dje pa futuro ta entre otro: traha afspraak cu dokter of especialista, historia medico di e asegurado, busca receta y hopi otro function mas lo bay ta disponibel.

Segun e mandatario esaki ta un “era nobo” pa

asina digitalisa henter e sector di cuidu medico, cu un resultado pa sigui mehora tur e servicionan y e calidad di cuidu pa tur dokter di cas por traha na un manera mas eficiente, transparente y mas rapido y asina tambe e asegurado por ta mas informa y sinti nan mes den control di nan salud y calidad di bida.

Minister Dangui Oduber ta



gradici Setar NV y ademas e progreso di e Aruba partners pa e update ariba Health App.

ACCIDENTE ORA UN AUTO TA SALI Y OTRO TA DRENTA PARKINGLOT DI SUPERMERCADO NA JABURIBARI



Diamars atardi a dreña informe di un accidente dilanti Tesco Supermarket na Jaburibari, mesora a dirigi un patruya na e sitio.

Na yegada di e patruya a bin compronde cu aki un auto a rasca e otro ora un ta sali mientras e otro ta dreñando. E daño tabata minimo y ningun hende a resulta herida.

Fiesta Tipico den bario

17:00 - 17:45 : CAH'I ORGEL : MI DULCITA

18:00 - 18:45 : GRUP'I BAILE : PIEREWIETJE

18:50 - 19:25 : 2 BALUARTE NAN

19:30 - 20:15 : FOLKLORE NOS HERENCIA

20:30 - 21:15 : TRADICION MUSICAL

21:30 - 22:15 : SONGO MUSIC

FECHA: 10 DI MAART 2024

LUGAR: CENTRO DI BARIO BRAZIL

ENTRADA: 5 FLORIN

MUCHA BOU DI 12 AÑA ENTRADA GRATIS

TIN UN MINI VLOOIENMARKT.

DAO TA CONMEMORA ‘DIA INTERNACIONAL DI HENDE MUHER’ CU UN BISTA HISTORICO Y CONTEMPORANEO RIBA E PARTICIPACION DI HENDE MUHER RIBA E MERCADO LABORAL ARUBANO

Top 3. ofishi practica pa hende muher	Aña 1924
Trahador di Sombre	67%
Cosedo	16%
Sirviente di Cas	6%

8 di maart, Dia Internacional di Hende Muher, ta e fecha riba cual mundialmente ta celebra y ta conmemora e avancen logra pa e ser femenino. Den cuadro di Directie Arbeid en Onderzoek (DAO) su 20 aña di aniversario, ta celebra e dia di awe compartiendo algun dato interesante riba e participacion di 100 aña pasa di e hende muher riba e mercado laboral. Ademá di e bista historico aki di aña 1924, ta presenta tambe dato di e situacion contemporaneo.

Aruba tin un compromiso haci cu e accionnan necesario pa logra e Sustainable Development Goals (SDG's) di cual un di e metanan ta igualdad pa e ser femenino. SDG's ta consisti di 17 meta en total cu e proposito ta pa trece un desaroyo balansa. Particularmente riba Dia Internacional di Hende Muher, DAO kier ilustra e importancia di Goal #5 (Gender Equality) y Goal #8 (Decent Work and Economic Growth).

International Labor Organization

E aña aki ‘International Labor Organization’ (ILO) y ‘United Nations’ (UN) nan tema pa e Dia Internacional di Hende Muher ta ‘Invest in women: Accelerate progress’. E tema general aki ta toca area cu ta rekeri atencion y accion pa asina garantis cu hende muher no ta cay atras.

E tema general aki ta cubri 5 area clave rekeriendo atencion y accion pa asina garantis cu hende muher no ta cay atras. Esakinan ta: 1. ‘inverti den hende muher: un cuestion di derecho humano’,

2. ‘poniendo un fin na pobreza’, 3. ‘implementando financiamiento cu un perspectiva riba genero’, 4. ‘un cambio pa un economia berde y un sociedad di cuidu’, y 5. ‘apoyando feministanan treciendo cambio’. E recomendacionan haci ta pa contribui na un desaroyo positivo pa mucha muher y tambe e muher adulto.

E enfasis aki ta pa asina percura pa comparti progreso economico, social y ambiental na un forma cu tur persona y futuro generacion por beneficia di dje. Estudionan a demostra cu inversion haci riba e progreso di hende muher ta wordo inverti y comparti bek den e comunidad cercano. E esfuersonan cu e hende muher ta haci ta hopi biaha no solamente pa su mesun bienestar, pero tambe pa su famia. E lasonan fuerte aki ta permiti compartimento di recursonan (p.e. financiero o di conocimiento). 1924, Aruba

For di un bista historico e cuestion di e participacion di hende muher riba e tereno laboral di Aruba ta uno cu ta consisti di e hende muher trahador. Na aña 1924 for di e total poblacion di esnan emplea, 59% tawata consisti di hende muher y 41% tawata consisti di hende homber.

Mester nota cu comienso di e siglo 20 tawata uno economicamente dificil. Desempleo y tambe e impacto di segura a resulta na diferente periodo unda cu pa gran parti hende homber (esnan casa y esnan soltero) a bay busca trabou den exterior (p.e. Venezuela,



Colombia, Cuba, Curaçao y Surinam).

E fenomeno aki no a resulta den e inactividad di e muher o dependencia di placa for di exterior. E placa cu nan por a manda bek pa Aruba tawata tarda, y tambe diferente factor por a impacta homber nan abilidad pa provee pa nan famia. Pues e gastonan di hogar y e cantidad halto di yuinan pa alimenta a keda un factor motivando hende muher pa traha.

Na aña 1924 e profesionnan mas practica na Aruba tawata: trahador di sombre (39%) y agricultor (22%). Aunke cu ambos sexo a practica e ofishinan aki, agricultura tawata mas tanto domina pa hende homber y trahador di sombre tawata un ofishi cu mas tanto hende muher a practica. Como cu e produccion di sombre tawata tuma lugar den e hogar. Esaki a duna e espacio pa hende muher por ordena nan dia pa combina e trabou y e cuidu di yuinan.

E siguiente tabel ta duna un bista di e trabou/ofishi cu hende muher a practica na aña 1924:

Top 3. ofishi practica pa hende muher Aña 1924

Trahador di Sombre 67%

Cosedo 16%

Sirviente di Cas 6%

Fuente: Kelly, Lucia (1999). Participacion di muhernan Arubano na e proceso laboral den e periodo 1900 – 192. Publicacion

di Archivo Historico Nacional.

E dato presenta ta contradeci e imagen di e hende muher di antes como solamente un ‘ama de casa’. E realidad ta indica cu apesar di perhuicio combina cu e carga familiar di cuidu di yuinan, e hende muher a haci un gran contribucion laboral.

2024, Aruba

E contexto contemporaneo ta uno cu ta refleha en general e desaroyonan positivo den cuadro di igualdad di genero. E siguiente lista ta brinda un bista di e posicion di hende muher riba e tereno laboral.

1. Di tur contracto laboral pa temporada indefini riba e mercado laboral, e trahador femenino ta representa 53% di e grupo akinan, hende homber 47%

2. Di tur esnan riba e mercado laboral cu un educacionan na nivel superior (HBO+), e trahador femenino ta representa 58% di e grupo aki, hende homber 42%

3. Di tur e ocupacion di un nivel halto di habilidad (higher skill level), e trahador femenino ta representa 56% di tipo di ocupacionan aki

Departamento di Labor y Investigacion ta felicita tur hende muher riba e dia aki pa nan logronan extraordinario y nan contribucion pa cu e economia di Aruba.

HENDE HERIDA DEN UN ACCIDENTE DILANTI TALK OF THE TOWN



Diahuebs atardi a te unda cu e chauffeur di e di un Toyota Corolla no a regula su velocidad ni a mantene

distancia a bay dal tras di e Suzuki Swift. Debi na e impacto 2 persona a resulta levedrenta informe di un accidente cu hende herida dilanti Talk of the Town, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidenmente herida y a pidi ambulans pa bin controla nan na e sitio.



ACCIDENTE PA FALTA DI PREFERENCIA NA CRUSADA VENEZUELA STRAAT WEST STRAAT



Diamars atardi a drenta informe di un accidente na e crusada Venezuelastraat cu Weststraat, mesora a dirigi un patruya na e sitio. na yegada di e patruya a bin compronde cu aki ta trata di un accidente pa falta di preferencia. Afortunadamente ningun hende a resulta herida.



SALBA BIDA
SCOGE PA SIGURIDAD

www.traficosigur.aw



Gobierno di Aruba

Un colega cu enorme dedicacion y comprension pa su trabou

LIENTJE ELMONDALEK TA EMPLEADO DI LUNA DI FEBRUARI NA HOH



Colega Lientje Elmondalek a kere cu ela drenta un reunion tocante mudamento pero a topa cu'n sorpresa grandi ora a mira su famia, amiganan,



coleganan y Hunta di Directiva presente. Hasta su famia di Hulanda tabat'ey den forma online pa presencia e bunita sorpresa aki. Lientje tabata emociona ora di a tende cu coleganan a nomin'e y cu ela bira empleado di luna di februari 2024. Presidente di Hunta di Directiva Jacco Vroegop ta bisa Lientje den un bunita dedicacion: "coleganan a ponebo den spotlight pa tur e tremendo trabou y cariño cu bo tin pa nan. Nan ta masha agradecido y contento pa tin bo como colega y nos como directiva sigur oruyoso di tin bo den nos team y cu bo ta claramente un tremendo ehempel di nos vision." Tur luna Horacio Oduber Hospital (HOH) ta reconoce un colega cu a resalta y Lientje Elmondalek, clinical teacher na departamento HOH Academy a sali empleado di luna di februari 2024.

Lientje ta destaca como

teampayer. Como colega y miembro di e team e ta colabora y ta traha hunto di un manera efectivo, contribuyendo asina enormemente na e dinamico di un team positivo y fuerte. Aunke Lientje no tin contact directo cu pashent, su trato pa cu colega y cursistanan ta uno hopi atento y cu hopi respet. E ta un persona accesibel den tur aspecto di su trabou. E tin profundo conocimiento den e diferente necesidad y retonan di tanto e cursista como profesor. Su comprension ta yuda crea un ambiente sigur y inclusivo. Tur hende ta sinti nan mes confortabel pa haci pregunta y duna feedback. Esaki tambe ta aporta ne sentimento safe dentro di e team.

Su talento y habilidad tin un presencia prominente den e organisacion y den e exito di programanan di educacion. Su manera di ta efectivo den ehecuta plannan y cumpli cu

metanan importante ta di admira. E ta gusta su trabou y su dedicacion ta obvio. E ta dispuesto pa bay 'the extra mile' y ademas ta surpasa expectativanan. Manera Lenie Denteneer, manager HOH Academy ta bisa: "Lientje tin pa hopi aña caba un balor agrega y grandi pe organisacion. E ta confiabel, nada ta di mas pe y e ta mane un mama pa nos team. Nos ta stima Lientje y nos ta hopi contento di tine den nos team. Lientje merece di ta empleado di luna."

Lientje ta un ehempel bibo di e balornan fundamental cu HOH ta proyecta. Su compromiso extraordinario y e manera di ehecuta su funcion di clinical teacher claramente ta demostra esaki. Hunta di Directiva, management y coleganan ta hopi orguyoso di tin Lientje den e team y ta hopi agradecido pa tur e trabou cu e ta eherce. Pabien Lientje cu e bunita reconocemento aki!

Parlamentario Shailiny Tromp-Lee:

MIKE EMAN TA UN BERGUENSA COMO REPRESENTANTE DI PUEBLO



Ta un berguensa cu Mike Eman, parlamentario di Pais Aruba, no por bisa pueblo unda e 916 miyon di prestamo di Hulanda durante pandemia (Covid) a bay.

Bo ta ripara cu den parlamento e no ta traha, sino e lo sa y no lo ta papia coy loco y crea sensacion. Ami lo sugeri Mike Eman pa lesa su documento y leynan cu nos a haya of trata durante y despues di pandemia y stop di hunga di kens. Pasobra echo ta cu e sa bon bon pero ta hunga politikeria barata. Tristo pe ta, cu pueblo tambe sa, pasobra ta nan a haya Fase, pa mantene e trahador na pia di trabou. E doñonan di trabou a haya subsidio di salario, pa mantene nos companianan chikito y mediano habri. Nan doñonan a haya sosten financiero y sigur no menos importante cu e placa aki a maneha e pandemia y salud di nos hendenan. Ta con NOS por

lubida?

Mike Eman ta un tiki laat tambe pa awor kier bin bolter cos si di 2021 pa awor e tabata den silencio, cobrando salario di parlamentario sin traha y sporadicamente a sali duna un rueda di prensa. Ta con Mike Eman por tin su isla y nos hendenan na pecho? Ban ta serio! Y pueblo no mester kere ami. Tur hende por bay scucha kico Gerlien Croes, ora e la sali di AVP, a bisa, esta cu Mike no ta traha y ta e mester a represente semper y ehecuta e funcion di Lider di Fraccion di AVP. Anto esaki mientras ta Mike Eman ta cobra pa haci esaki: "Den e dos aña cu mi a fungi como lider di Fraccion di MEP nunca Mike Eman a asisti na un reunion caminda Lidernan di Fraccion ta reuni. Sin papia mes di su ausencia den reunionnan di comision y encuentro y reunionnan publico."

Hopi tristo e nivel di politica cu Mike Eman ta keda hiba y mas tristo ainda e echo cu e ta keda haci manera cu pueblo ta bobo. Un falta di seriedad total, banda di e echo cu Mike Eman ta keda demostra cu e no por carga

su responsabilidad. Esaki no ta di awor, pero desde cu e tabata prome minister di e pais aki.

Un cos ta sigur, Mike Eman a demostra un Liderazgo di crea DEBE y problema social! E ta tremendo den

gasta hasta loke nos no tin! Un berdadero experto den realisa proyecto sin indica con e ta bay paganan!

Pero ta facil pa laga e next gobierno saca nan som y busca solucion, y laga pueblo paga cu orguyo.

notariskantoor  M.J.C. Tromp

Op **dinsdag 26 maart 2024** des namiddag om 14.00 uur, zal in de Kamer van Koophandel en Nijverheid van Aruba, J.E. Irausquin Boulevard 10, Oranjestad Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- het recht van erfpacht tot 15 april 2064 op een perceel domeingrond, groot 430 m², gelegen aan de Caya Mangasina te Mabon in Aruba, nader omschreven in de **kadastrale meetbrief nummer 187 van 20 mei 1998**, met het daarop gebouwde, plaatselijk bekend als "**Caya Mangasina 64**";
Inzetprijs: Afl. 130.000, ==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 11 maart 2024 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp
Santa Cruz 35
Tel: 5853500/5857900
Fax: 5854222
Email: veiling@notaristromp.com/auction@notaristromp.com
Visit: Arubanotary.com

EDDIE DAOU SU TRAYECTORIA NA RADIO 1270

Eddie Daou cu Claret Lopez a cuminsa transmiti baseball hunto na Radio Carina, pa despues a bay Radio Caruso Booy y a culmina na Radio 1270 AM caminda cu transmision di baseball a yega un punto asina grandi hamas bisto aki na Aruba. Radio 1270 AM a bira mesora e prome radio pa transmiti tur wega di baseball AA cu un antesala di wega y entrevista despues di wega.

E transmisionnan di baseball a traves di Radio 1270 AM a gosa di un sintonia masha grandi den comunidad. Esaki a sosode pa mas di 12 aña. Aki por a haya tur informacion, incluyendo cifranan di resultado, con wega a bay, miho hugada di dia, etc. Simplemente e bos di baseball!

Radio 1270 AM ta e emisora cu, bou guia profesional di Eddie Daou y su team, a introduci transmision live for di tur skina di mundo, cu tabatin Aruba hungando baseball.

Fresco den nos memoria ta e bosnan di Eddie Daou, Roy Helder, Claret Lopez, Amador Oduber y Alex Falconi cu ta resona cu entusiasmo, experiencia y cu un dedicacion total. Eddie tabata e mentor den locucion pa hopi. Eddie tabata e asina yama enciclopedia riba tereno di baseball y di locucion. Y asina

Eddie a laga su stempel atras!

Tirando un bista den pasado, por conclui cu door di circunstancia imprevisto for di mannan di Radio 1270 AM, di un dia pa otro Eddie Daou y Claret Lopez mester a cuminsa transmiti tur wega di futbol di campeonato, incluyendo play off. Aki ta caminda cu Roy Helder a cay aden como narador y pa pone cherry riba e bolo di transmision di futbol, e ekipo di Radio 1270 AM a termina e naracion e aña ey na Tele Aruba tambe, pues radio y televishon a bin cu tur wega di play off.



Roy Helder, Claret Lopez, Chu Halabi, hunto na e reconocimento di Eddie



Eddie y Roy Helder hunto cu Ergilio Hato cu a bai transmiti e inauguracion di e compleho



Eddie hunto cu Clarette Lopez, Roy Helder y Minister Watty Vos na momento di entrega plakaat pa Campeon Estrella.



Fouad Antonio Daou
"Eddie Daou"
QEPD



Eddie hunto cu Andruw Jones cu Sidney Ponson despues cu Andrew a frima cu Braves



Eddie ricibiendo un reconocimento for di 1270 AM entrega door di Minister Watty Vos qepd hunto cu e Chicho Jesurun qepd.



Transmitiendo wega di Red Machine na Rotterdam, Hulanda entrevistando Cai Cai Williams

Cu esaki a keda demostra cu

Radio 1270 AM, bou encargo di Eddie, Roy y Claret, a tuma rienda den naracion di futbol tambe. Eddie Daou asina a skirbi su nomber cu Hoofdletter den tanto baseball y futbol, siendo cu e deporte preferi di tanto Eddie y Claret tabata baseball. Roy Helder a simplemente forma e conhuntio di naracion di futbol cu a pone futbol termina tambe como e ramo di deporte cu a bira esun mas grandi di Radio 1270 AM. Eddie Daou lo haci falta como amigo di hopi aña di e director di Radio 1270 AM, Frank Leañez. Su recuerdo di profesionalidad y cumplido cu radio oyente lo biba pa semper den mundo deportivo y di radio emisoranan.

Te despues Eddie. Danki pa a halsa naracion di deporte y Radio 1270 AM na e nivel top. Sosega na paz, den brasa di nos Creador.

**Lotto ta introduci
un miembro nobo di
Instacash “Shooting
Star”!**



ORANJESTAD – Diabierna 8 di maart, Lotto, e loteria di Aruba, ta contento di por anuncia un integrante nobo “Shooting Star” den e famia di Instacash cu lo duna bo e oportunidad pa gana placa cash al instante!

Abo ta cla pa gana placa instantaneamente y no mester warda pa sorteo? Desde dialuna awo, 11 di maart Lotto lo trece un adiccion mas na e famia di Instacash cu ta yama Shooting Star.

E wega di Shooting Star ta costa solamente 5 florin cu lo tin diferente premio cash y bo por gana te cu Afl. 15.000,-!

Con pa hunga?

Bishita bo rebendedo di Lotto preferi y pidi pa bo Shooting Star di Instacash desde dialuna awo. Ora bo cumpra e wega di Shooting Star, bo ta ricibi un ticket for di bo rebendedo preferi. Riba e ticket bo ta wak e lista di numbertan ganado y abou di dje bo numbertan den un strea cu diferente number.

Match cualkier di bo numbertan gana-
do cu un di bo numbertan den e strea
y gana e suma bou di e number cu bo a

match. Tambe e wega ta dunabo e chens di multiplica bo ganashi! Por ehempel si bo a match un di e numbernan ganado cu un di e numbernan den e strea y bo a gana Afl. 100,- y si abou bo haya 3X ta nifica cu bo a multiplica bo premio cu 3 biaha y ta gana e ora Afl. 300,-!

Instacash ta dunabo e oportunidad pa hunga bo weganan preferi manera 5X The Cash, 10X The Cash, 20X The Cash, Bingo, Money Tree, Match for Cash, Gold Mine, Hot Numbers, e famia di Instant Jackpot, Tic Tac Cash y awo Shooting Star cu ta dunabo e chens pa gana placa al instante!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wegu di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla.

E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
Sorteio # 4203 0065 6689 6551  FP  Sorteio # 4203 8086  X5  Sorteio # 2259 4549  Sorteio # 4203 5283 Piscis  Sorteio # 1077 131  FP		Resultado : Sorteio 7 Maart 2024 Merdia	
		Sorteio # 0 x Jackpot 0 x Match 4+ 0 x Match 4 0 x Afl 12.00	
Joker		Letter	
Proximo Jackpot		100.000,-	
		Sorteio # 0 x Jackpot 0 x Match 4 0 x Afl 8.00	
Proximo Jackpot		58.000,-	
		Sorteio # 0 x Jackpot 0 x match 4 0 x Afl 500.00 0 x Afl 50.00 0 x Afl 15.00	
Mega Ball		Proximo Jackpot	
		250.000,-	
		Afl. 350.000,-	
		Sorteio #	
			



VALIDO TE DIABIERNA 08 DI MAART 2024,
18:00 ORA

TEMPO:

**AWE TARDI Y AWE NOCHI: PARCIALMENTE
NUBLA Y GENERALMENTE SECO
DEN MARDUGA Y MAYAN: PARCIAMENTE
NUBLA CU UN AWACERO PASAJERO**

TEMPERATURA MAXIMO 32 GRADO CELSIUS

TEMPERATURA MINIMO 26 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 33 PA 38 GRADO
CELSIUS

UV INDEX: 10

AIRPORT : MAX 32 / MIN 26 / 0.0 MM

WESTPUNT: MAX 32 / MIN 26 / 0.0 MM

STA ROSA: MAX 32 / MIN 26 / 0.0 MM

PRONOSTICO DI TEMPO PA PROXIMO 3 DI- ANAN:

PARCIALMENTE NUBLA CU UN AWACERO PASAJERO.

BIENTO LO TA FOR DI DIRECCION OOST Y MODERA

TE BASTA FUERTE, FUERTE TE POSIBLE-
MENTE DURO DEN RAFAGA.

TEMPERATURA (GRADO CELSIUS)

MAX / MIN LO TA: 32 / 26

POLIS A DETENE UN SOSPECHOSO CU YEN DI BOTTER DI BEBIDA ALCOHOLICO CU NO POR A BISA UNDA ELA HAYANAN




Diahuebs madrug a drenta informe di cu na Palm Beach Plaza a nota un hende cu lo kier a purba horta e scooter di e security, mesora a dirigi patruyanan na e sitio.

Na yegada di e prome patruya a bin compronde cu tin un homber bisti cu camisa blanco a purba bay cu su scooter pero no a logra y cu ainda e ta den

cercania y tambe cu tin un Toyota shinishi sospechoso coriendo rond. Polis a busca den ful e area y for di un otro security a bisa cu tin un persona a core drenta Smokey Joe's. Polis a bay busca den e lugar pero no a encontra cu e sospechoso. Riba e caminda principal banda di Rat Land un otro patruya a bin topa cu un homber camisa blanco cu a core

crusa e caminda y nan a par'e. Den su poder a haya un muchila yena cu botternan di bebida, ora a puntr'e di unda ela haya tur e botternan ey e no por a contesta y polis a bay over na detene. Polis a topa cu un Toyota shinishi y a control'e. Como no a hay'e cu nada particular a djies tuma su identidad y a core cun'e for di e sitio.



	3					5	6	
1			6					
		5	8			9	1	
9								
								5
	8	1			2	3		
					9			2
	5	9					4	

POLIS A GARA UN LADRON PATRAS DI WARDA DI SHABA CU A DRENTA PA HORTA Y A DETENE MAS HENDE DEN AUTO CHIKITO SOSPECHOSO



Diahuebs madrug a drenta informe di cu tin un auto geel chikito cu



hendenan cu ta actuando masha sospechoso den cercania di warda di Shaba. Durante un control a logra detene un adicto ambulante den e cura. Segun su declaracion nan a menase cu un arma di candela pa drenta e cura y horta un muffler y algo

mas. E hendenan cu a menase tabata un homber y un muher den un Kia Picanto geel. No a dura mucho cu polisnan a logra para e auto aki na Tanki Leendert y a detene e sospechosonan como tambe a confisca e auto pa mas investigacion.

	7			2			4	6
	6						8	9
2			8				7	1
	8	4		9	7			
7	1						5	9
			1	3			4	8
6	9	7			2			8
	5	8					6	
4	3			8			7	

Number di pisca na Papiamento: Tuna Hala Hel



Ban papia di number di pisca. Bo conoce bo piscanan? Un serie di articulo informativo cu ta ilustra algun pisca y nan number na Papiamento den cual Departamento di Agricultura, Cria y Pesca, conoci como Santa Rosa kier comparti y alabes haya informacion for di publico. Lesa na final di articulo con pa haci esaki.

Tuna Hala Hel, Thunus albacares, Yellowfin Tuna: Tuna Hala Hel of Yellowfin Tuna ta un di tunanan mas grandi cu ta ser gara den nos awanan. E ta pertenece den e famia di Tuna. Tuna tin diferente tipo pero por lo general ta caracteriza pa nan curpa gordo y den forma oval manera di un bala di futbol americano. Tuna Hala Hel, su característica cu mas ta resalta ta su 2 finnan grandi y color geel. E por alcanza tamaño di 2 meter largo y pisa te casi 400 liber of 180 kilo. Tuna ta un grupo di pisca di importancia rond mundo pa alimentacion y ta ser usa tanto den mochi, filet pero tambe empaketa den e.o. bleki. Ademas Tuna ta popular tambe pa pesca recreativo.

Descripcion:

Tuna Hala Hel ta un pisca oval, gordo, den forma di

un bala di futbol americano. Su lomba ta blau y e tin un strepi geel ta core memey di su curpa di dilanti te patras. Su aletanan of finnan ta caracteristicamente geel of hel manera nos ta pronuncie.

Nan ta pisca di careda, referiendo traha pa landa distancia largo y cu hopi velocidad. Pesey nan diseño, largo manera torpedo y cu fin chikito a lo largo di lomba te na rabo. Nan rabo tambe ta fini manera luna nobo, y cual ta corta awe pa bay dilanti rapidamente.

Na Aruba:

E no ta mucho comun den capturanan di piscado local. Tuna hala hel ta un pisca di careda cu ta wordo gara aki na Aruba mayoria di biaha via di e metodo di slip (trolling na ingles) unda ta lastra e liña cu e haas of pluma tras di e boto en busca di e pisca. E ta un pisca cu ta pasa den nos awanan segun e ta migra y e periodo cu e ta pasa sa varia poco segun varios factor.

Contacto cu nos:

Ta intencion pa periodicamente Santa Rosa saca mas informacion pa tocante di number di pisca na Papiamento. Si bo tin informacion of comentario pa engrandecé conoce-

mento of si ta desea informacion of topico specifico pa nos amplia ariba, por manda esakinan libremente na info@santarosa.



HOROSCOPO

7 di maart 2024

Feliz dia di hende muhe y un feliz y productivo dia. Aki Solo di Pueblo ta presenta bo signo zodiacal pa dia 8 di maart 2024.

Aries

Si bo pareha pensa di manera diferente, no irita. Sea vispao y lo ta dificil pa nan estafa bo. Lo presenta oportunidad interesante di trabao. Ta momento pa stop di huma y cuminsa cuida curpa. Number di suerte: 3, 44, 87.

Tauro

Comportacion di un amigo lo bay afecta bo hopi. Dia apropiada pa resolve asunto financiero. Lo falta bo concentracion den bo trabao. Bo por sufri mareo debi na algo na bo nek. Number di suerte: 1, 15, 42.

Geminis

Demuestra bo cariño n'e persona stima. Bo lo mester dal un bon repaso na bo economia. Un spirito constructivo den e mundo laboral lo invadi bo. Bida ta ofrece bo oportunidad maravioso pa bo bienestar, probecha di nan. Number di suerte: 3, 35, 83.

Cancer

No resisti stima esun cu kier bo. Bo entrada no ta andando malo, bo por permiti un capricho. Bo tin e sensacion cu bo hefenan ta exigiendo demasiado. Cui-

da bo lomba hopi. Number di suerte: 1, 37, 25.

Leo

Sea mas sincero, muestra bo sentimentonan abiertamente. Bo tin mas gasto di loke bo por permiti. No laga cu e malcomprententonan yega te na bo hefenan. Awe t'e dia ideal pa alcanza un balansa fisico y mental. Number di suerte: 4, 42, 12.

Virgo

E aventuranan romantico por pone bo relacion na peligro. Resolve tur e cuestionnan economico pendiente. Den bo trabao, bo a demostra loke bo bal, exigi loke bo merece. Bo ta preocupa p'e salud di un fama, e no lo ta grave. Number di suerte: 3, 96, 35.

Libra

Bo mester tempo pa reflexiona riba bo curason. Lo bo mester yuda algun famia of amigo cu placa. Bo hefenan lo realisa di bo bon cualidadnan. Soño lo impedi bo concentra y produci shen porciento. Number di suerte: 8, 64, 24.

Scorpio

Bo ta pensa cu ningun hende ta compronde bo y esey no ta berdad. Lo bo por bay haci un mal inversion debi na un mal consejo. Awe t'e dia pa haci e observacion ey riba ambito laboral. Griep

tin bo molestia. Number di suerte: 4, 43, 81.

Sagitario

Bo relacion amoroso ta manera un lago di awa manso. Ta posibel cu lo sorprende bo cu un entrada inespera. Den bo empresa nan lo ta encanta cu bo proyectonan. Stress ta causa di bo malestar; relaha bo mes. Number di suerte: 2, 26, 97.

Capricornio

E confidencianan na bo amor lo intensifica bo confianza. Si nan propone bo hunga catochi, bisa no. Cambio grandi riba tereno profesional. Bandon e obsesion ey cu bo salud, e ta perfecto. Number di suerte: 3, 59, 63.

Acuario

Bo magnetismo pa amor ta halto. No genera obligacionnan economico nobo. E relacion cu bo compañeronan lo ta cordial. Duna e dolornan di cabes atencion, consulta cu bo dokter. Number di suerte: 7, 62, 26.

Piscis

Poco disposicion pa amor. Lo bo sinti bo generoso cu esunnan cu ta rond di bo. Capacidad practico, excelente pa bo trabao.

Lo bo sinti bo mes miho si bo drumi minimo shete ora. Number di suerte: 6, 92, 43.

Lider di AVP, mr. Mike Eman:

Gabinete Wever-Croes ta devastador pa e porfenir di Pueblo

Ta ora pa bolter cos !



Gabinete Wever-Croes II ta hortando e futuro di Aruba. Den e recien rapport anual di Raad van Advies mr. Mike Eman ta mira como confirmacion cu e actual gobierno ta hortando e porfenir di pueblo di Aruba. Mr. Mike Eman a cuminsa na cita e activista hoben, Greta Thunberg, medio ambientalista cu den United Nations a expresa na gobernantenan cu ta negligiendo e concecuencia devastaador di cambio climatico cu e siguiente sentimiento: "You are stealing our future in front of our very eyes".

Den e contexto aki mr. Mike Eman a cita un cantidad di paragrafonan for di rapport anual di Raad van Advies caminda e ta con-

stata cu e sufrimento cu e ta sinti y mira den bario y hogarnan ta evidencia con devastador Gabinete Wever-Croes ta y ta hortando e porfenir actual di Pueblo y ta futuro di Aruba.

mr. Mike Eman a trece dilanti e conclusionnan mas preocupante den e rapport di Raad van Advies. El a cita: "Fuera di e resiliencia di e economia, tambe e resiliencia di e hogarnan di Aruba ta bou presion". RvA ta muestra cu ta parece cu tin poco atencion pa seguridad social y financiero di e ciudadanonan, hopi no ta den un condicion cu nan no tin opcion mes pa escohe un direccion pa provee nan cu un porfenir. E desaroyo di economia no ta bay pareu cu e desaroyo financiero

di nos pueblo, specialmente pa esunnan cu ta na e nivel mas marginal den nos sociedad e situacion ta birando tur dia mas facil. Esaki Eman ta bisa ta e pobreza cu nos ta mira y sinti, un pueblo sin opcion y perspectiva, un ciudadania yena cu debe y un deficit continuo den nan entrada pa cubri pa un existencia basico.

Pa Eman, e conclusion aki di Raad van Advies ta bisto for di varios aña caba den comunidad ora cu e ciudadano no por paga pa e costo di bida of e remedio cu e tin mester of ora cu mayornan no por paga pa e aumento den schoolgeld. Esey ta e manera con Gabinete Wever-Croes II ta hortando for di pueblo di Aruba. E ta referi na un inflacion persistente di 8% cu ta directamente relata na e peso fiscal riba cabes impone door di e gobierno aki cu un cantidad do medida, mencionando especificamente e aumento di BBO y e introduccion di BBO na frontera.

Citando cifra di CBS y di Banco Central, e rapport aki ta menciona cu e situacion financiero di e Arubiano ta den un pleno crisis door cu por lo menos 50% di e poblacion ta gana menos di e minimo cu e mester pa biba y cu e diferencia aki ta esun di mas grandi den ultimo seis aña; exactamente e mesun tempo cu nos pais ta bou mando di un coalicion lidera pa partido MEP.

"Miseria ta batiendo na porta di tur hende na Aruba, mientras cu minister-

nan y pralamentarionan di Gabinete Wever-Croes II y MEP y Raiz ta biaha rond mundo gabando con bon economia di Aruba ta," Eman a expresa cu indignacion pa e maneho desastroso y e efecto cu e tin pa e ciudadano.

Despues di a mira tur e argumento y conclusion cu Raad van Advies ta ofrece den su rapport anual 2023, e determinacion di partido AVP pa rescata e futuro di Aruba y defende e bon

comun, ta mas fuerte cu nunca. Eman: "Cada bes Aruba a confronta reto y crisis grandi, cada bes cu tabatin e anhelo pa un cambio grandi, e solucion y compromiso a sali for di e cuna aki, y un biaha mas ta for di e cuna aki di AVP ta bay rescata Pais Aruba y rescata e futuro di e ciudadano Arubiano. Nos ta BOLTER E COS aki pasobra e momento a yega pa pone e pais aki bek den man di pueblo."

ORACION DI DIA



Un dia yena di bendicion y cu Dios Su amor rondona boso tur momento.

Mi ta sigura boso: "Prome cu shelo y tera pasa bay, ningun letter chikito ni ningun pida di un letter di e ley lo no pasa bay". Mateo

5,18

E berdad fundamental di nos FE ta cu nos ta wordo acepta pa Dios incondicional. Cu practica pa medio di un testimonio ta yuda otronan comprende Su intencionnan. Pa medio di un bon relacion cu Hesus hende lo keda colma cu virtudnan pa haya sabiduria y asina por duna e mensahe di salvacion. Hesus ta yama nos bini na e Fuente. Hesus ta

duna e hende un sentimento saludabel di nan propio bator. Como cu bo ta imagen di Dios y ta unico, bo no tin cu duda den bo mes, ma, apesar di bo capacidatnan, bo lo sinti bo impotente den cierto situacionnan.

Den e situacion aki bo no por haci nada. Pa medio di nos fe nos tin e speranza. No ansha no sconde bo debilidad ma acerca E Fuente. No ta abo ma ta Hesus tin e control. Mi tin cu laga Spirito Santo guia mi, paso "E Palabra" cu a bira carni tin cu wordo tendi y ta haci Dios visibel den nos. Meymey di nos fracasonan, heridanan, den nos debilidadnan Hesus ta keda guia nos, paso Hesus ta hopi capaz cu nos.

Esaki ta Dios Su mandamentonan den nos interior. E secreto aki ta bo mes tin cu encontr'e.

Oracion: Oh Señor. Guia mi pasonan segun Bo Palabra.

No laga pica domina mi curason. Amen.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

DIA INTERNACIONAL DI HENDE MUHE

Dia 8 di Maart nos ta celebra e Dia Internacional di Henden Muhe. Pa recorda e dia special aki lo mi pone un poco di atencion na algun acontecimiento organisa pa hende muhe cu e intencion pa tin e mesun derecho cu hende homber y cu a yama e atencion di tur hende. E prome lucha tabata e lucha pa por vota. Esaki a cuminsa prome na Merca y despues algun pais na Europa a cuminsa exige mescos. Algun grupo di Henden Muhe tabata desea e derecho di vota pasobra nan tambe tabata desea di expresa nan opinion y nan ideanan. E lucha aki a bira mas fuerte ora e Tratado di Roma tocante e Derechonan Humano a ser firma pa varios pais te cu esaki a bira realmente un Tratado Internacional. Su prome articulo ta basa riba IGUALDAD: igualdad di raza, genero (conoció como "gender"), status economico: rico of pover, status social, religion, estado civil: casa, soltero, no casa pero ta biba hunto etc.

Gender of Genero ta ser uza como diferencia biologico: hende homber of hende muhe. Tin otro sorto di genero, por ehempel transgenero, homo sexual, lesbiano, bisexual etc. Esaki ta ser marca mas pa e sociedad den cua nos ta biba y esaki ta mas dificil di ser acepta pa tur hende. Tog articulo 1 di e Tratado di Roma ta stipula cu NO mag tin DISCRIMINACION. Na Aruba nos a hancra e articulo aki den nos Constitucion como e prome articulo. Cu otro palabra e ta conta pa nos na Aruba tambe.

Mi ta desea di pone atencion awor na e palabra di IGUALDAD. Pa ley (art.1 di nos Constitucion) hende homber y hende muhe tin e mesun derechonan. Den realidad esaki ta diferente. Realidad ta cu hende

homber ta ser trata cu mas derecho pasobra por ehempel e ta cabes di e hogar (famia) y hopi biaha doño di e cas unda e famia ta biba. E ta dicidi kico ta ser cumpra, y con esaki ta ser paga. Hopi biaha e ta esun cu ta traha y gana e placa cu cua e famia ta biba. Ultimo añanan a bin cambio den esaki y e hende muhe tambe ta bay traha, sea pasobra un sueldo NO ta yega pa paga tur debe of pasobra e (tambe) a studia y ta desea di aporta na su hogar. Y akinan e diferencianan ta cuminsa. Den mi estudio haci tocante violencia contra hende muhe, ta hopi remarcabel cu diferencia den salario di e hende homber y hende muhe hopi biaha ta origen di discordia. Cu otro palabra: pleitamento. Especialmente ora e hende muhe gana mas cu e hende homber! Esaki ta basa riba loke ta ser yama Patriarismo: basa riba e palabra patriarca (cabes di cas of di un nacion). Popularmente yama: Machismo. E lucha di hende muhe pa derecho igual ta ser yama Feminismo. Na cuminsamento e prome feministanan a pasa den duro. Nan tabata ser yama pa tur sorto di cos mahos, humiya, maltrata, pusha, insulta etc. E tabata un lucha duro pero poco poco e hende muhe tabata avanza. Hopi a bay studia, y a bira juffrouw di skol, verpleegster, dokter, abogado y hasta a drenta politica. Na Aruba nos a biba y ta biba keto bay e cambio aki pasobra nos ta un isla Hulandes y Holanda, siendo un pais Europeo, ta pertenece na e paisnan cu a cuminsa reconoce e hende muhe como un suheto cu propio sabiduria y voluntad. Si nos haci un comparacion cu Centro y Sur-America y hopi isla den Caribe, nos ta wak e diferencia. Lesa loke ta sali

den corant tocante trato di hende muhe especialmente na paisnan islamico, unda Islam ta e religion principal y hopi biaha e unico religion permiti. Pa e motibo ey a traha riba Tratadonan Internacional pa obliga e paisnan unda hende muhe NO tin derecho y cuminsa cambia y duna e mucha muhenan derecho di bay scol. Algun pais a cuminsa duna e derecho di bay scol pero falta hopi ainda. Na Afghanistan nan ta prefera hasta di envenena e mucha muhernan y matanan pa nan NO bay scol y siña lesa y skirbi. Ripara con e mucha muhenan y nan mama mester bisti. No solamente tapa henter nan curpa pero tambe nan cara. Ta e wowonan so bo por wak y tin di nan cu ta bisti un pida panja dilanti nan wowo cu ta parse un prison!

1. E prome Tratado cu ta contene derechonan explicitamente pa hende muhe ta e Tratado di CEDAW. A pone tambe enfasis den e tratado aki riba eliminacion di tur sorto di violencia contra hende muhe.

2. E Tratado Internacional pa derechonan di hende muhe firma na Belem do Para na Brasil ta dedica specialmente pa paisnan di Sur y Centro America unda tin hopi violencia contra hende muhe, hopi analfabetismo y maltrato, entre otro incesto y violacion sexual.

3. E Tratado Internacional pa derechonan di hende muhe firma na Africa (Moputo) ta specialmente pa proteccion di e hende muhe Africano contra e mutilacion di e organo sexual (vagina) di e hende muhe. Hopi mucha muhe jong ta muri pa motibo di esaki: desangramento y infeccion. Na e paisnan aki tambe tin hopi violacion.

4. E Tratado Interna-

cional pa derechonan di hende muhe firma na Istanbul ta specialmente pa e mucha muhenan bay scol y siña lesa y scirbi. Te dia di awe no a logra hopi. Pensa riba Malala cu a haya e curashi di pidi publicamente pa nan por bay scol. El a ser tira den su cara y despues dokternan y otro personal a yuda e y su famia pa bay USA unda e ta studia y ta sigui lucha pa mas derecho pa e muchanan y hende muhe di su pais. El a ser premia cu e premio Nobel di Paz. Despues di 2 aña cu Turkia a firma e Tratado, nan a apela na nan Corte Supremo di nan pais pa nan no ta miembro mas di e Tratado aki pasobra e ta contra nan custumbenan di acepta cu hende muhe tin e mesun derecho cu hende homber y pasobra e Tratado aki lo duna permiso pa hende homosexual y transgenero drenta nan pais. E Corte Supremo a duna nan rason y nan a sali afo. E conclusion ta cu ainda tin Hopi violencia contra hende muhe. Aki na Aruba tambe!

Na Aruba tambe falta hopi trabou pa haci. Si nos tin igualdad di derecho, dicon tin hopi violencia contra hende muhe ainda? Pasobra e educacion na cas ta laga hopi di desea. Nos ta lanta nos mucha muhenan diferente na nos mucha hombernan. Mucha muhe ta haci trabou di cas: bari, mop, haci limpi, cushina. E mucha homber NO ta haci e trabounan aki pasobra nan NO ta muhe. Hopi hende muhe cu ta traha den dia pa yuda cu un entrada extra, ta yega cas hopi cansa pa cushina, baña e muchanan, duna e cachonan di come etc. Y ora e subi su cama, boso ta comprende cu e no tin gana ni forsa mas pa please meneer. Esaki mester cambia. Nos mucha hombernan mester siña yuda na cas: muha mata, duna cacho di come, drecha su cama y camber, pasa un basora, yuda cu su rumannan chikito etc. Esey lo NO hacie bira menos homber. Y cuanto homber no tin cu ta tremendo



CHEF? Ban kibra e patronchi aki. Siña boso yui muhe y yui homber y Meneer, cu tur hende mester yuda na cas. E ora ey Mami lo tin mas gana y brio pa haci algo leuk den weekend cu henter famia. Nos por! Ban sigui traha pa un pais unda IGUALDAD y RESPECT ta reina di berdad.

Mi ta desea di haci uzo di e oportunidad aki pa trece mi preocupacion pa dilanti di algo cu a pasa recien. Un homber adulto, riba 30 aña a tene relacion sexual cu un mucha muhe di 15 aña y como consecuencia e mucha muhe, cu ta un menor di edad, a sali na estado. E homber aki a haya 4 aña di prison. Kico lo ta e futuro di e mucha muhe menor di edad, aki? Esaki no lo causa cu e menor di edad aki lo no sigui scol? Gobierno lo no paga mas bijstand? Pa e mucha muhe y su baby? Unda tur e esfuersonan di Gobierno y organisacionan pa frena abuso sexual, a keda? Mi otro pregunta ta: mi tin entendi cu a subi e cantidad di aña di castigo pa e crimen aki cu e proposito di frena e cifra basta halto di abuso sexual na nos isla. Dicon e abusador a haya 4 aña so??

Y kico ta haciendo pa baha e criminalidad cerca mucha hombernan jong? Y e fenomeno di carga arma di candela cu nan? Y e bebecimento di alcohol y e uzo di droga? Tin un programa of tratamiento special? Tur fin di siman tin por lo menos un accidente di auto pa motibo di buracheria. Y de bes en cuando cu morto como consecuencia. Esaki ta grave pa un isla asina chikito!

Lagrimanan y flornan por seca, su recuerdonan y tur loke el a haci y significa pa nos lo keda graba pa semper den nos mente y curason.

“Cerca Senjor mi ta na paz manera yui serka su mama”
(Salmo 131)

Cu inmenso dolor na nos curason pero conforme cu boluntad di Dios nos ta anuncia fayecimento di nos mama, suegra, wela, bisawela, ruman y tanta stima

Glenda Helena Goeloe
*18 augustus 1941 - † 3 maart 2024



Yuinan: Anthony y Charrise Kirchner-Quant
Angelo y Suzy Kirchner-Werleman
Andy Kirchner

Nieto(a)nan: Christian y Josefina Kirchner-Wittveen
Myron Kirchner y Inoira Maduro
Joël Kirchner
Kimberly y Jonathan Baarh-Kirchner
Tanya-Mariah y Richard Filiciana-Kirchner
Noami Kirchner
Dwayne Kirchner
Joshua Kirchner

Tur su Bisanieto(a)nan: Xeina, Celina, Rowan, Tahnee, Emmanuel,
Nathan, Benjamin, Ivy, Aurielle, Levie

Rumanan: Graciela Wijngaarde-Goeloe y famia (Hulanda)
Norman y Rosa Goeloe y famia (Curacao)
Sygline y Peter Verdelis y famia (Hulanda)
Sonia Goeloe y famia (St. Eustatius)
Rugia Goeloe (Curacao)

Tata di su yuinan: Angel Kirchner y famia

Bon amigonan: Grace Werleman y famia
Julio Croeze
Junior y Zoyla Croeze y famia.

Sobrino(a) nan, Primo(a) nan, Conocirnan, Bisiñanan, ayudantenan di Cas Cristelle

Demas Famia: Goeloe, Kirchner, Quant, Werleman, Filiciana, Baarh, Wijngaarde, Salas, Verdelis, Minguel, van der Weert, Arvelo, Pinedo, Vaseur, Victoria, Granville, Hato, de Castro.

Nos disculpa si den nos tristeza nos por a lubida di menciona un famia of conocir.

Ta invita pa e acto di entierro cu lo tuma lugar diasabra 9 di maart 2024 na Aurora Funeral Home di 2:00 pa 4:00 pm, despues lo sali pa Santana Catolico Pastoor Kraanwinkel na Paradera.

Nos ta lamenta cu despues di entierro nos no por ricibi bishita di condolencia na cas



Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

Sudoku

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	